



Número de expediente: 2018/NOMFUNCONTEMP/000011

Número de rexistro:

RESOLUCIÓN DA CONCELLERÍA DE GOBERNO RESPONSABLE DA ÁREA DE PERSOAL, RÉXIME INTERIOR E PATRIMONIO RELATIVA AO NOMEAMENTO DUN ARQUITECTO TÉCNICO DA ESCALA DE ADMINISTRACIÓN ESPECIAL, CON CARÁCTER INTERINO PARA CUBRIR UNHA PRAZA VACANTE NA OFICINA TÉCNICA DE LICENZAS E INSPECCIÓN

Tras examinar o expediente tramitado para o nomeamento dun funcionario interino coa categoría de arquitecto técnico da escala de administración especial para cubrir unha praza vacante na Oficina Técnica de Licenzas e Inspección, integrada no grupo A, subgrupo A-2, faise constar que:

ANTECEDENTES DE FEITO

1.- No Boletín Oficial da Provincia do 22/05/2017 (BOP núm. 96), anunciouse a convocatoria pública para a formación, mediante o sistema de concurso-oposición, dunha lista de reserva (listas B) que permita prover de forma interina prazas dentro do Concello de Pontevedra coa categoría de arquitecto técnico, de acordo coas bases aprobadas pola Xunta de Goberno Local, na sesión que tivo lugar o día 08/05/2017.

Posteriormente, mediante resolución do concelleiro de goberno responsable da Área de Persoal, Réxime Interior e Patrimonio do 13 de novembro de 2017 acordouse prestar aprobación á lista única de reserva para a provisión interina de prazas de arquitecto técnico, grupo A, subgrupo A2, que se ordena segundo a puntuación total obtida polos aspirantes no procedemento selectivo, a proposta do sinalado polo tribunal cualificador.

2.- O 26/04/2018, polo director xeral da Área de Urbanismo e Servizos Xerais preséntase unha solicitude na cal se establece a necesidade de levar a efecto un nomeamento interino, nos seguintes termos:

“(…) Por medio do presente, e ante o inminente remate das acumulacións de tarefas existentes na OTLI, poñemos no seu coñecemento a necesidade de que se cubra o posto vacante de arquitecto/a técnico/a, para evitar o colapso da oficina con dúas técnicas en situación de baixa prolongada, e por mor do incremento do número de expedientes que fai necesario cubrir tódalas vacantes existentes no cadro de persoal para evitar demoras e responsabilidades administrativas.

Xa que logo, solicítase, por urxente e inaprazable necesidade o inicio dos trámites, para a posta en marcha do proceso para cubrir a vacante de arquitecto técnico adxunto na OTLI, - que conta co código 4302 na RPT publicada no BOP do 03/11/2016 - , a través da lista de reserva para a súa provisión interina (...)”

3.- O concelleiro de goberno responsable da Área de Persoal, Réxime Interior e Patrimonio na súa proposta do 30 de abril de 2018, dada a imposibilidade de prover este posto mediante unha redistribución dos efectivos existentes na actualidade nesta Administración municipal e á vista da necesidade exposta no informe emitido para estes efectos polo director xeral da Área de Urbanismo e Servizos Xerais, esta concellería de goberno, xa que é imprescindible para o funcionamento desta administración a tramitación dos asuntos da súa competencia, **considera urxente e inaprazable** efectuar o nomeamento interino dun/dunha arquitecto/a técnico/a, e, en consecuencia, propón que se inicie o expediente para proceder ao nomeamento dun funcionario interino para ocupar a prover o posto solicitado mediante un nomeamento interino para ocupar o posto adscrito á Oficina Técnica de Licenzas e Inspección (CDG 4302), correspondéndolles ao candidatos da devandita Lista de reserva (Lista B), de acordo coa súa orde de puntuación e requirindo aos interesados para que acepte ou



renuncie no prazo de 48 horas, achegando a documentación preceptiva. En caso de renuncia proporase os seguintes candidatos en orde de puntuación.

O/a funcionario/a interino/a nomeado/a estará adscrito ao posto de arquitecto técnico adscrito á Oficina Técnica de Licenzas e Inspección (CDG 4302) e desenvolvera as funcións propias do citado posto, percibindo as retribucións básicas correspondentes ao seu grupo de clasificación e as complementarias correspondentes ao posto de traballo, podendo estenderse os nomeamentos ata que finalice a causa que deu lugar ao seu nomeamento, ata que se produzan aquelas outras circunstancias legais que así o motiven ou se dea a circunstancia recollida na base 12ª das Bases xerais reguladoras da lista de reserva (lista B) para cubrir prazas vacantes coa categoría de arquitecto técnico.

4.- Emitido informe polo Servizo de Persoal que consta no expediente, o día 04 de xuño de 2018 a Intervención Xeral Municipal informa o expediente de conformidade indicando que procede continuar coa súa tramitación.

5.- Con data do 05/06/2018, don José Vicente Rodríguez acepta a oferta de nomeamento como funcionaria interina na categoría de arquitecto técnico que lle foi comunicada polo Servizo de Persoal.

FUNDAMENTOS XURÍDICOS

Primeiro.- O Real Decreto Lexislativo 2/2015, do 30 de outubro polo que se aproba o texto refundido da Lei do Estatuto Básico do Empregado Público, publicado no BOE de 31 de outubro de 2015, dispón no seu artigo 10 que son funcionarios interinos os que, por razóns expresamente xustificadas de necesidade e urxencia, son nomeados como tales para o desempeño de funcións propias de funcionarios de carreira, cando existan prazas vacantes e non sexa posible a súa cobertura por funcionarios de carreira ou para a substitución transitoria dos titulares.

O procedemento de selección de funcionarios interinos deberá realizarse mediante procedementos áxiles que respectarán en todo caso os principios de igualdade, mérito, capacidade e publicidade.

O cese producirase cando finalice a causa que deu lugar ao seu nomeamento.

Segundo.- A lei 2/2015 do emprego público de Galicia, dispón, no seu artigo 23.1.a) que poderá nomearse funcionarios interinos cando existan postos vacantes, con dotación orzamentaria, cando non sexa posible a súa cobertura por persoal funcionario de carreira. Os postos vacantes desempeñados por persoal funcionario interino deben incluírse na oferta de emprego correspondente ao exercicio en que se produce o seu nomeamento e, se non é posible, na seguinte, salvo que se decida a súa amortización ou, no caso do persoal docente, que a planificación educativa o impida.

No artigo 24.1 da lei 2/2015 sinálase que a selección do persoal funcionario interino realizarase mediante procedementos áxiles que respectarán, en todo caso, os principios de igualdade, mérito, capacidade, publicidade e libre concorrencia.

Así mesmo, o artigo 24.2 dispón que o cesamento do persoal funcionario interino producirase, ademais de polas causas que determinan a perda de condición de funcionario de carreira, cando finalice a causa que deu lugar ao seu nomeamento; por amortización do posto que ocupe; por adscrición provisional ao posto de persoal funcionario de carreira ou provisión definitiva do posto por persoal funcionario de carreira; por transcurso do prazo máximo de duración do nomeamento; por incumprimento sobrevido dos requisitos exixidos para o desempeño do posto e pola reincorporación da persoa titular do posto, no suposto da súa substitución transitoria.

O cesamento do persoal funcionario interino non dá lugar a indemnización, agás no casos en que por causa del a persoa cesada non poida facer efectivo o seu dereito a vacacións nos termos previstos polo artigo 132 desta lei.

Por outra banda, o artigo 25.1 establece que ao persoal interino élle aplicable, en canto sexa adecuado á natureza da súa condición, o réxime xeral do persoal funcionario de carreira e, no seu





apartado 4 sinala que a prestación de servizos en réxime interino non constitúe mérito preferente para a adquisición da condición de persoal funcionario de carreira, porén, malia o anterior, o tempo de servizos prestados computarase nos supostos de concurso-oposición, nos termos que se establezan na correspondente convocatoria.

Terceiro.- Pola súa parte, no que respecta á Administración Local a Lei 5/1997, de Administración Local de Galicia, dispón no artigo 246 que se poderá efectuar nomeamentos de persoal funcionario interino para prazas vacantes sempre que non sexa posible, coa urxencia esixida polas circunstancias, a prestación do servizo con funcionarios de carreira e que o persoal debe reunir os requisitos xerais de titulación e demais condicións esixidas para participar nas probas de acceso como funcionarios de carreira, debendo cesar cando a praza sexa cuberta en propiedade ou cando a corporación considere que cesaron as razóns de urxencia que motivaron a cobertura interina.

Cuarto.- Non obstante o réxime xurídico exposto nos apartados anteriores, cómpre recordar o disposto no artigo 19.Dous da Lei 3/2017, de orzamentos xerais do Estado para o ano 2017, de aplicación a todas as administracións públicas, segundo o cal durante o ano 2017 non se procederá á contratación de persoal temporal, nin ao nomeamento de persoal estatutario temporal ou de funcionarios interinos, agás nos casos excepcionais, e para cubrir necesidades urxentes e inaprazables.

De todos modos, como xa se fai constar no punto 2 dos antecedentes de feito desta resolución, no escrito procedente do director xeral da Área de Urbanismo e Servizos Xerais, xa se pon de relevancia a necesidade de cubrir o citado posto e o cumprimento dos requisitos previstos para o nomeamento de funcionarios de interinos establecida polo artigo 19.Dous da Lei 3/2017, de presupostos xerais do Estado para o ano 2017.

Quinto.-É competencia do Alcalde exercer a superior dirección do persoal ao seu servizo consonte o previsto no artigo 124.4.i) da Lei 7/85, reguladora das bases do réxime local e o artigo 13.2.i) do Regulamento orgánico do goberno e administración municipal publicado no BOP núm.248 do 28 de decembro de 2005.

Mediante Decreto da alcaldía do 21/04/2017, se lle atribúen ao concelleiro de goberno responsable da Área de Persoal, Réxime Interior e Patrimonio as decisións, propostas e trámites en materia de persoal que sexan competencia da Alcaldía.

En atención ao exposto, esta Concellería de Goberno, en exercicio das súas atribucións delegadas,

RESOLVE:

Primeiro.- Declarar xustificada a necesidade urxente e inaprazable de efectuar o nomeamento interino dun arquitecto técnico para a Oficina Técnica de Licenzas e Inspección do Concello de Pontevedra.

Segundo.- Nomear a don José Vicente Rodríguez, DNI núm. 34255264F, arquitecto técnico da escala de administración especial deste Concello, co carácter de funcionario interino integrado no grupo A, subgrupo A-2, coas retribucións básicas correspondentes ao seu grupo de clasificación e as complementarias correspondentes ao posto de arquitecto técnico adscrito á Oficina Técnica de Licenzas e Inspección (CDG 4302), con efectos do día 7 de xuño de 2018, advertindo ao nomeado que cesará no posto de forma automática de se cubrir a praza con funcionario de carreira, cando desaparezan as razóns de urxencia que motivan este nomeamento ou cando concorra a causa exposta na base 12ª das bases reguladoras da lista de reserva (lista B) coa categoría de arquitecto técnico aprobadas pola Xunta de Goberno Local na sesión ordinaria que tivo lugar o 08/05/2017 (BOP núm.96, do 22/05/2017), reproducida no antecedente de feito primeiro da presente resolución.

Así o ordena e dispón a concellería de goberno responsable da Área de Persoal, Réxime Interior e



Patrimonio por delegación do Excmo. Sr. Alcalde, perante o Secretario da Administración municipal, que DA FE da precedente Resolución.

